



國家清史編纂委員會·文獻叢刊

三編

清代稿鈔本

第一二一冊

國家清史編纂委員會·文獻叢刊

三編

清代稿鈔本

第一二二冊

廣東省立中山圖書館
中山大學圖書館
編

主編 桑兵
副主編 李昭醇

程煥文
劉洪輝

廣東省出版集團
廣東人民出版社
·廣州·

第一一二冊目錄

廣東詩彙

(卷六十二至七十七)

廣東詩彙

一百五十卷

鄔慶時

屈向邦

合編

稿本

廣東省立中山圖書館藏

廣東詩彙卷五十二

番禺 鄧慶時 合編
屈白邦

黎偉光字樸園順德人雍正癸卯舉人官至
射洪知縣 能文尤工詩有遊草蜀中吟冷香前後集

中宿峽

疊翠懸無際中流一線開人從三峽度雲擁二禺來野色籠芳
樹泉聲起暮雷臨崖遺古剎題首讀書臺

姑蘇

乘潮一棹闔閩城草綠王孫萬里情好是虞邱饒勝處日斜沽

酒試蕙羹

麝鹿郊行輦道塵，劇憐香水尚留春。
山塘半月忘歸棹，為有常
塘會醉人。

張俊興，字渭擢，鄧容菴東莞人，雍正癸卯舉人，官至廉
州府教授。

寄家園修

首著花邊雨露滋，官間日永絳帷垂。
夜披雲霧看文斗，晚
挽天河洗硯池。
南海幾時歸雀舫，西堂何日狎漁磯。
欲將一
片羅浮月，長照蒼松百尺枝。

屈明洪字甘泉一字鐵瓢番禺人。大均子。雍正癸卯拔貢。官
惠來教諭。浸淫家學。錚錚為後起之傑。甲辰以選拔入京。
逸情淡約。文采葩流。視都人士之整。風塵者。猶雲間一
鶴也。有鐵瓢吟草。

家君八泉翁壽日恭賦

嘉辰先九日。菊正杖鄉時。海岳成孤往。春秋只自私。微情擬香
草。幽怨寄蛾眉。歲。清芬。折陶。生菊滿枝。
羅浮高臥久。樂道任長貧。漁父何妨笑。湘纍自有真。補詩同束
哲。拜年紀遠民。著述千秋事。名山俟後人。

無題

生來多慧便多情。鸚鵡金籠伴素秋。機上自憐霞是綺。夢中長
恨月如鉤。珠簾香霧吹笙院。玉馬西風乞巧樓。同在妙年誰最

麗歲華如水歎浮漚。
安得仙人白玉膏。金堂相見和香醪。纖波洛浦年二綠。皎月蓬
山夜二高。得意再看秦弄玉。含顰先避鄭櫻桃。芳情一寸鴛鴦
錦。費盡經營下剪刀。

陳世和字聖取別字時一順德人恭尹孫雍正癸卯拔貢官
至龍游縣丞有介亭詩鈔拾餘子草

擬古

灼灼林際花皎皎天邊月照我客顏好
緘歌時間發杯酒興未濃西山忽以沒
月落空庭深林花亦減色快意還中房
終夜長競晚東鄰黝黝見轉瞬青華發
何以贈後人千載而緜緜感慕顧
多情挑燈探玄窟

達士忘形骸太上期不朽勉之百年內
文章疲口舌云胡涉行墨對之亦自醜
金石詎能貞賦洵牛馬走聰明不及人
不如歸南畝夜聞欽濟聲心口相減否
多識尚悔尤不識滋塵垢戰戰日競之
登山而躡阜焚香對古人庶幾無大咎
道力苦不深理欲常相乘癯形日怔忡
倦倚聽鳴鶯客從山中

來、遺我白茯苓。云是仙人贈。服之童顏生。多謝故人意。答以双玉英。玉英有時缺。茯苓難重榮。不如攻_吾短。千秋垂令名。_身

聞舊僕黃引南落魂京邸因感成詩

小小相依久。寒風獨惘然。旅人今萬里。孤子又三年。世上多岐路。囊中盡雪天。何時能共隱。同種墓邊田。家運丁陽九。艱虞汝共持。金閨楓落日。珠海夢秋時。飄逐將何往。歸飛未有期。不才深愧汝。貧賤立名遲。

得吳_仲坡潯州報書却寄

故園冰盡地。蒼梧夕照邊。玄秦猶有舌。歸夢已無烟。繡錯翔鳩鶴。青山滿杜鵑。何時饑饉地。得見汝生旌。

立春日喜舍弟建大玉伏枕口占示之

入越年華久，離家骨肉稀。病中能見尔，執手約言歸。冷宦辛盤薄，王孫草色肥。去留俱不可，破涕正依依。

度嶺留別里中知己

淒淒細雨濕征衣，悵望河橋綠草肥。母在鸛鵒行不得，貧來杜宇怒當歸。曉程風景看殘月，舊里雲山對落暉。玄玄共憐身似燕，一春專傍路旁飛。

送顧尊光歸吳門

永清十郡血無塵，蓮幕風流六絕倫。飲水夜同官舍冷，論文香愛嶺頭春。真娘墓上偏生夢，陸羽城邊正問津。莫笑歸裝無土物，梅花詩勝大官貧。

陳周禮字心禾號藏山海陽人著有自怡草
遊丹砂詩

陳過字感過，號碎琴，順德人。恭尹孫，工詩，好用故實，間多率臆而出。袁枚去官居金陵，主盟壇坫，其声氣方籠罩一切，過獨與牴牾，議論不相中。

歲暮感事

打頭矮屋自欹斜，容膝真堪處士家。
薜徑人稀來往屐，紙窗梅放兩三花。
稻粱謀比銜簷雁，歲月忙如赴壑蛇。
好聽瓶笙噴清晝，爐燒柏子自煎茶。

陳華封字祝三鄆復齋順德人恭尹孫太學生寓羊城育賢坊以詩世其家郡邑名流分曹結社恒以其晚成堂為壇坵有復齋詩鈔

擬古

商飈入林木海水盡洶涌我生非金石感物增惶悚道流運呼吸術士誇鉛汞丹經亦悞人累二編邱塚所貴在令名千秋生光寵令名匪自今時譽美三重采桑南陌上鶯第一何忙鶯熟成繭絲黼黻舊明堂西方進火浣東方獻羽裳譽世事奇服嘉新厭故常鶯死不足惜桑者殊徬徨

我有古琅玕斑駁生埃垢持以悅世人胡塵而却走愴悅轉自疑幾置同瓦缶念此先世遠珍惜亦已久肯使殉人言中懷忽

否：有客憐苦衷，拂拭勸再刻：之非不妍，毋寧堅吾守。
井水不回波，欲汲無長綆。浮雲翳白日，旦晝異光景。晴空走魑
魅，平途生坎窞。豈無明月珠，圓光不照頂。倉皇欲棄之，中心殊
耿耿。蟾蜍怒擊轅，微力究何逞。安得發長風，青天開俄頃。

題西樵九龍洞

鱗族龍為陽，易數九而極。上帝割左耳，置之樵山側。天矯勢盤
紩，崢嶸柱奇特。儼然見九嶷，峯：難辨識。中空幻作洞，豁豁豁
深里，旁竅擊玲瓏。稜氣日薄蝕，有此造物靈。信是神工力，莫携
竹杖遊。風雨正不測。

黃龍洞

路入黃龍洞，：在重岳腹。怪石聚幽峭，危磴窅行曲。殷：吼晴
雷，層崖瀉飛瀑。坐見老人家，孤雲那可掬。飛雨從空來，蕭然散

野服。陡覺神骨清。疑預真仙錄。庶將息塵事。未此謀幽築。

齋中有石狀如佛手。先世所遺也。諸公以詩見贈。賦此答之。用東坡先生醉石道士韻。

吾家一奇石。厥狀如佛手。色相本天然。人事無矯揉。憶昔我祖時。珍之若琬琰。海內集名流。談元探淵藪。補天雅未能。拈花曾點首。無何歲龍蛇。家運丁陽九。孤掌笑難支。未免羅塵垢。苔蘚侵其膚。藤蘿攀其肘。顧於此一拳。吁嗟悲世守。何期未畢公。摩挲為良久。顧盼日垂青。訂交呼作友。董之功德香。沃之甘露酒。一指悟因緣。三生證無有。揮毫為賦詩。腕下烟雲走。從來鍾品題。石與人俱壽。

冬日與家太史雲麓暨諸子集張崑寶光溢堂擬蘿岡探梅因東鍾鐵橋